

東大陸主人著

言志錄

趙藩題檢



再造
共和唐會澤大事記

墨江楓漁庚恩暘著

本書專述唐會澤光復雲南再造共和鎮撫滇黔經畫華夏及其家世學術操履諸端挿印會澤自少年以來肖像多種經文學泰斗章太炎梁任公及名流岑西林趙樾村谷九峯張鎔西陳舜卿呂載之羅鎔軒李印泉由夔舉諸先生叙題凡欲知會澤爲人之生平會澤與民國之關係并崇拜會澤者不可不人手一編也全書約二萬餘言洋裝布壳金字一册定價實洋五角

總發行所雲南圖書館

代售處全國各大書坊

雲南首義擁護共和始末記

墨江楓漁庚恩暘輯著

本書內容凡七章三十餘節共約十三四萬言插演軍隊形耕種園藝及首義前後會議討袁歃血誓師地方暨五華山都督府各風景護國軍重要人物重要機關負傷官兵各處古蹟各處名勝并攷各種照片百三十餘張所有袁氏稱帝之遠因近因雲南首義前之準備首義時之計畫首義後之情形及軍事結束後之部署莫不廣事蒐集詳爲記載而於首義之真象戰地之軍情叙述尤爲翔實詳盡凡外間傳言雲南被動津滬各報軍情紀事失之簡略訛誤者手此一編自可補正叙次文筆亦極精工足稱傑構真紀載雲南首義擁護共和惟一無二之信史也全書無圖畫者洋裝一巨册定價壹元陸角現已出版有圖畫者洋裝布皮金字上下兩鉅册準於陽歷七月出版價目另定

總發行所雲南圖書館
代售處全國各大書坊

震動乾坤奮一椎橫搖詩筆
萬魔摧老夫醉豁麻茶眼空
碧英靈見此寸 七律詩翁徧
九州骨屨氣餒調啞嚶獨抒
大志風雷作曠古吟壇放一頭

石礪老人趙藩讀過抄題





原序

自忝漢首倡光復之業吾黔亦繼滇湘



而起不幸宵小貪天竊權毒痛遂徧於
全省會澤莫賡唐公不忍泣庭之請提
一旅之衆扶義東來指揮騷除不崇朝
而黔事大定黔人想望丰采僉於公盍

功之盛稱道弗衰可澄近參帷幄知公
局量深宏迴絕儔侶而恂恂有儒者氣
象實不僅以將畧見長顧猶未知其能
詩也已而趙君鼎成持言志錄一卷見
示則公東遊以來之所作也展誦之餘
覺其魄力之雄毅與夫懷抱之偉大往

注流露於言外殆不屑屑與詞人墨客
爭一字句之短長而浩浩落落直抒其
海涵地負之胸臆者歟乃知茲平黔亂
特小試其端曾未竟公志之什一又以
見豪傑之士能自樹於斯世者胥自平
昔之積累而來其蘊蓄愈深者則其成

就愈益大而絕非可於倉卒旦暮間苟
焉以倖致者也趙君前肄業滇講忝學
校親炙於公至久謂同學諸子將以斯
錄付梓俾人手一編時昔如親教言得
勉志公之所志屬一言弁首因並道其
景慕如此

普定任可澄序

題詞

研席光陰二十年海山長嘯碧霞天與
君共訂擔簦約琨逖聞雞快著鞭

蒼茫一片五華雲夏立黔中不世勲我
愧留侯決帷幄燕然石勒漢將軍

狂瀾手挽洗天河晨草軍書夜放歌試

問枚皋馳檄士古今才力較如何

武達文通兩擅長一編詩草自堂堂平

原絲繡洛陽紙雄跨當年郭定襄

民國五年夏墨江庾恩暘未定草

詩言志歌永言尼父所存三百篇大抵
賢聖言志之所為作也自國風降為離
騷離騷降為漢魏雖淵源相接而體制
日新迄於六朝三唐遞相嬗變絺章繪
句叶韻調聲半皆流連光景之作以視
風雅性靈滂沛寸心者駸駸衰替矣然

在文人詞客適以自成其一家之言至
於豪傑挺生天才縱逸隨意抒寫亦足
令銅琵琶鐵綽板高唱入雲此則姿稟
既異懷抱特殊不媻媻於辭句聲律之
末而縱橫跌宕自有節奏如岳忠武戚
南塘輩皆是也東大陸主人自妙年游


學志趣不凡往往流露於歌詠中歸國
以來疊遘艱難時多伉爽激昂之句卒
之建設偉竒志與言應此豈尋常盾鼻
磨墨自矜博瞻者所及邪乙卯之冬舉
兵護國聲名震裸海內外販夫走卒無
不知有東大陸主人者海內志士瞻慕

神馳屢函索詩於主人主人謙不欲與
僚友輩一再慫恿乃出言志錄一冊屬
幕中校印分餉國人余謂是錄在數年
前讀之幾疑多涉想之詞而自今日觀
之則所言皆實錄也於是而歎主人之
志侔乎遠矣

姚安由雲龍謹叙

東大陸主人言志錄

乙巳夏日偶成



莫對青天喚奈何
埽開憂憤且狂歌
壯心百鍊鋤羣醜
寶劍雙飛碎衆魔
鑄造蒼生新模範
安排黃種舊山河
澄清事業尋常舉
歐亞風雲亦太和

九日步友人韻

沈陸神州最可傷
又逢佳節更愁腸
黃花不管人間恨
猶向疏籬放晚香

平生不解賤離騷
高唱軍歌氣自豪
菊酒優游等閒事
金章寶劍此登高

霸權東亞幾時成
破碎江山魂夢驚
掬

得太平洋上水快分霖雨潤蒼生

美雲撩亂歐風狂話到中原淚幾行多
少光陰忙裏過秋風容易又重陽

有感

救亡多半屬青年痛苦投閒萬里天默
禱神州多豪俊暗鋤心地少塵緣癡情

皓齒歌長恨抱痛蒼生倒懸寶劍光芒
征馬壯馳驅大地快揚鞭

松雪

一夜東風雪未消爭春桃李總蕭條平
生勁節超凡卉任是天寒也後凋

入浴書感

身心滌淨竟何如不埽胡塵枉丈夫試
向太華峯頂望淡然山水有曾無

戊申元日

世態炎涼恨未均蒼生多少竟憂貧雄
心起舞劉琨劍誓代天公削不平

十年心事萬夫雄聲滿雲霄氣吐虹歲

月頻增天妬我勞勞戎馬又春風

仲春大雪

百卉爭春太平梨花濃重柳花輕大
公最是寒天雪點綴乾坤一樣清

雪中偶成時戊申冬月

乾坤一色混西東悟到人間萬事空剩

水殘山憐子弟短刀長劍老英雄龍蛇
大陸寒風外鷗鷺前溪暮靄中自煮麥
羹聊解渴平生甘苦與人同

游兼六公園

松煙竹露碧粼粼石上青苔不染塵一
樹海棠開最晚萬花叢裏獨精神

登卯辰山

足穿雲屐手捫天萬壑羣山羅眼前江
海無涯流不斷年年化雨潤人間

己酉春往杏雲看湘溪病登樓晚眺
同病相憐情益厚且相携手一登樓晚
風松葉參僧偈夜月梅花笑杞憂山影

亂眸心自靜
濤聲洗耳興
偏幽他年雙
試飛龍劍
談笑新開第一洲

春夜看劍

挑燈看劍
意偏雄
質鍊精
金氣化龍霹
靂一聲飛
出匣
八千子弟快從風

北陸旅夜

澎湃濤聲愁鬼神
蓬廬風雨夢無因
挑燈一讀英雄史
圓虎池龍笑古人

一片精誠祇爲公
崙華事業亦平庸
酒闌笑拔飛龍劍
千古興亡在眼中

游韓感賦

悲水愁山幾斷腸
天公何獨罪東方
蒼

生苦惱人相食猶自笙歌祝虎狼
衣冠猶是漢威儀對此如何不淚垂
大陸龍騰三萬里快分霖雨潤藩籬

漢城感閔妃事

宮花苑草不成春
慘淡當年舊血痕
龍劍橫飛歐亞日
仇人肝膽慰英魂

奉天車中

怪得東方逞虎狼
江山大好醉人腸
男兒若遂生平願
也應從容併八荒

游兼六公園

石欄杆外草如茵
草上春歸酒半巡
山鳥爭鳴求友切
家雞高唱喚人親
縱橫

恠石怒濤急
燦爛幽花初
日新非霧非
烟天際海
蛟龍未雨此
潛身

中秋

六年書劍老瀛洲
佳節良辰付水流
耿耿寸心明似月
暢懷何必定中秋

中秋憶碩權

別頸談心交以神
三秋一日黯銷魂
解情寂是天邊月
替我津門照故人

中秋游京都萬生園並壽古霞三十

初度步琴山韻

縱酒狂歌百丈樓
江山滿眼盡中秋
才滿舊恥三千載
人是中原第一流
紅袖

有心添我恨黃花無語助人游欲窮曠
世男兒眼立馬崑崙頂上頭

柳絲萬縷復千條暮暮朝朝拂畫橋大
陸國魂摧殆盡中原王氣未全銷名花
好鳥誇新囿剩水殘山問舊朝多少憂
愁暫拋卻暢懷權聽玉人簫

他年舉世慶天長
喚起嬋娟詠羽裳
解脫慈悲邊佛子
潔清身世水仙王
茶香花媚談金粉
月白鐙紅話玉堂
後起英雄偏偉大
前人富貴笑汾陽

功名塵土漫相誇
要種神州第一花
白玉欄杆秋玩月
青燈樓閣夜評茶
婆心

愛國真天性細語親人慧齒牙最是多情楊柳樹深宵猶送美人車

古霞以西湖紀事詩見示依韻和之
珠簾漫捲靜無風燭影花光兩映紅臺
榭歌聲小兒女江山霸氣老英雄六橋
桑柘關心遠萬古乾坤放眼空峻德何

年親百姓堯天風露遠追蹤

九日步古霞誌恨原韻

大江水淺隱蛟龍靜伺風雲塞太空
霹靂一聲歐亞震崑崙立馬睨羣雄

萬種憂愁暫埽開漢家何代無雄才使
君與我都年少好把江山扶轉來

秋夜偶成

寒驚窗外露涓涓
憶到羣生欲問天
刁斗無聲屯戍寂
高懸秋月照人眠

北陸大雪留別古霞

萬笏奇山一樣新
彼蒼膏澤徧斯民
短刀長劍闢天地
舊恥新愁痛古今
世界

無情悲且憤人間有事偽耶真茫茫大
陸知交別約醉中華第幾春

京奉車中

廿年白眼望中華水剝山殘未足嗟一
著戎衣償夙願江山無主盡儂家

步琴山弔大沽韻

天地悠悠一戰場
龍驤虎踞鑄興亡
雄才何日舒民困
妙手他年治國殤
廢壘久羞邊將守
長城狂笑古人防
狂瀾應男兒挽
併亞侵歐自主張

偶感

雙瞳日月視坤球
天下安危足運籌
睨

古睥今偏厚重撐天持地亦優游馬蹏
怒踏山河小龍劍橫飛神鬼愁意自公
平心自潔均分霖雨潤滄洲

過越南

萬樹枕榔一曲歌斜陽溼處過紅河江
山錦繡蒼生苦不出斯人奈爾何

己酉冬旋里途中得句

連年心事繫中華
書劍飄零未顧家
野老天真真爛漫
欣然猶自賣茶花

危山立馬望西歐
富貴浮雲未肯求
楊柳千條山萬仞
六年猶記故人不
肩輿過處靜無風
流水情多送客蹤
自

喜湖山真大好天然形勢胤蛟龍

庚戌正月昆明道中偶成

磊落襟懷唱大同昆池水淺且潛龍願
銷天下蒼生苦都入堯雲舜雨中

雄才幾輩傲崑華千古功名未足誇蔓
草他年收拾淨江山栽遍自由花

寄內

歸來萬里話離衷
月影當牕燭影紅
又唱驪歌魂欲斷
海棠花下春風

花滿中庭月滿樓
雙燒紅燭看吳鉤
神州從此常多事
兒女英雄兩莫羞
贏得青羅盡淚痕
果然離別最銷魂
憐

卿誤嫁封侯壻辜負年華慣遠征

茶綠鐙紅夜欲闌肝腸說盡倚欄杆芳
心一點長相憶明月天涯同樣看

黃衫翠袖兩多情並倚紅樓話此心大
陸縱橫九萬里倉皇戎馬忍忘鄉

雪山萬壑盡中華桃李情高徧著花點

綴乾坤都一樣
橫行到處可為家

餞春

楊柳陰濃策馬過
籌邊樓外壯軍歌
曠懷笑傲乾坤小
肯對春光喚奈何

江山無限亂飛花
怨蝶悲蜂各自嗟
綠暗紅稀春去也
不知今夜在誰家

海填木石學精衛
魂怨江山叫子規
解
爭寂憐嬌兒女五
更鐙火照春歸

蒼天有意老英雄
空負韶華劍未功
流水落花人更遠
豪情也自怨東風

三月步韻松諸君
西山紀游原韻

江山高聳百層樓
俯笑池龍說壯游
千

古興亡終一夢歐風亞雨幾經秋

五月送協和赴蜀

蓋世雄才誰與儔祇應砥柱作中流登
高一笑昆明水江海蛟龍貯得不

肝膽交情贈寶刀偕行舊誼詠同袍龍
驤虎踞山河壯留與他年說二豪

蒼生塗炭最堪憐
淚灑天涯又七年
寶劍同磨江戶水
聯牀夜夜話中原
不必臨歧作嘆嗟
滇池蜀道盡中華
曠懷舉世皆兄弟
處處江山總是家

六月夜宿宜良法明寺有感

狐城鼠社總依然
東海歸來又一年
壯

志豪情銷欲盡蛟龍困水自傷憐
曉鐘響澈五雲高天外諸山影動搖笑
指眼前綠楊郭夕陽流水度前朝

仲秋與少蘭諸君子泛昆明湖

湖山嬌媚累英雄萬種俠情片語中莫
笑菱花無傲骨也撐清節晚秋風

馬蹏飛渡五夏霜萬頃波濤曉日黃對
此風光無限恨聊將濁酒洗愁腸

寶劍由來最解情匣中常作不平鳴光
芒欲奪清秋月惹起蛟龍海上聽

百尺樓臺壯大觀瀟瀟雨歇一憑欄豪
情欲把昆明水滌盡中華萬里山

九日

男兒慷慨賤同袍
佳節年年誤寶刀
菊酒一杯書一卷
殘山剩水此登高

籬下黃英豔吐霞
宜人偏在淡生涯
精誠誓與西風戰
傲骨磷磷晚萬花

蓼疏花散盡成秋
萬里江天一釣舟
豈

是浮名拋未得達觀猶自笑封侯
北略南侵未足誇神州也放自由花
明湖上滄波遠潤我蒼黎萬萬家

除夕

烈霜寒月兩相宜飽凍梅花第一枝
骨格精神超萬卉勸君莫看未開時

嫖姚博望未為功
浩浩披襟賤大風
試向崑崙頂上望
羣山低首拜英雄

辛亥春正偶成

男兒髮短苦心長
手破天荒未足狂
有限河山妨虎變
無邊風雨助龍驤
義持鐵血新時局
劇演興衰幾帝王
五夜捫

心眠不得披衣躍馬太華望

三月與松波諸君游曇華寺

滌將心鏡淨無瑕照徧人間億萬家不
是阿儂偏太苦四方多難忍看花

不出斯人又一年莫將心事問青天春
風也感蒼黎苦紅徧山山泣杜鵑

憶舊游地六月

一笑達觀事有無平生肝膽與人殊
號風怒浪舟偏穩薄海從來少丈夫
無限江天一水樓萬家燈火俯星流
年來欲覓銷愁處菡萏花深小釣舟
古柏蒼梅傲歲寒高情留與世人看
豪

歌纔罷狂呼酒萬丈垂綸一釣竿

五月寄內

誓洗江山戰血腥神州沈陸每傷情不
甘鸞鏡甘戎馬夫壻英雄大負卿

夏日感事用己酉中秋韻

花欲倚欄人倚樓無端風雨怕成秋乾

坤事物飛雲幻今古功名逝水流每到
窮時偏坦蕩翻於忙處見優游曠懷斯
世都平等何爭馨香最上頭

九龍溪畔柳條條月榭風亭近小橋戎
馬功勲人未老沙蟲劫運血難銷君肥
民瘠悲千載鼠鬥蛙爭誤幾朝滿眼瘡

疾生意盡聲聲愁聽賣錫簫

狂笑城誇萬里長何教列國拜冠裳
胸襟欲化今歐亞眼孔直卑古帝王
東土霸權原泛泛中天揖讓自堂堂
蒼天畢竟無偏倚到眼江山總向陽

堯陶舜鑄縱堪誇到底功名總鏡花小

閣人豪間看劍深閨兒女笑談茶祇應
天上搏鵬翅漫與人間鬥鼠牙獨立蒼
茫無罣礙歸田何必羨高車

又六月行軍自感

層峯疊嶂步雲霞歌詠歸來興倍賒鼓
角爭鳴人意壯旌旗高襯夕陽斜風前

磨劍權招月雨携携鋤且種花知是池
中藏不得飛從天際覩崙華

肝膽交人誓此生世人偏濁我偏清捫
心難短英雄氣愛國終源兒女情宿雨
餐風新趣味空花幻影舊功名輕裘緩
帶間題句又聽蕉牕夜雨聲

刀斗聲寒玉漏遲平生事業問良知
模王範帝何堪羨侵水略山未足奇
庭院有花應有月屯營無事自無為
神州大局憑誰挽塗炭蒼生太不宜
戰馬嘶風意氣豪自將流水壯磨刀
英雄西漢誇三傑兒女東吳說二喬
過眼

風光都泛泛驚心歲月去滔滔年來誓
滌江山垢要捲滄溟萬頃濤

中秋

月滿乾坤花滿樓今宵容易又中秋天
公不管人心急祇促年華付水流
襟懷皎潔月同清不為秋來分外明瞰

破塵寰九萬里但憑肝膽照蒼生

九月二日

風雨連宵意若何秋深江上有龍過心
寧草木甘同腐氣作星辰豈易磨畧水
侵山嫌地少撥雲挑霧見天多人間富
貴塵沙視肯爲功名效枕戈

壬子北伐行營

羅列諸峯放杏花春光偏在野人家三
軍豪氣冰應解萬姓歡迎意轉嗟大地
風雲嘶甲馬胡天雷雨嘯龍蛇澄清事
業尋常舉一戰功成未忍誇

行營寄內

無端花鳥又春風
天意催人演大同
別債十年償未得
深閨應怨海棠紅

餞春

一杵疏鐘曉夢醒
乾坤到處送春行
離愁種種銷難盡
別債年年積更深
飛絮彌天猶引蝶
落花匝地怕聞鶯
畱卿不

得憑卿忝天性纏綿恨此生

由黔移師督滇道中偶成

甲馬旌旗又此行兩年依舊一身輕
山花放卷情常定林鳥飛投意總誠
歷史千秋留泡影神州百戰盡蝸爭
瘡痍滿地何年補慚愧前途父老迎

薄海風潮一劍擔萬山雪月又天南須
知平坦征途穩莫道崎嶇世路難蓋世
才從達處老極天事亦夢中參學虞育
夏尋常事棗梓歸來酒正酣

甲寅冬月南巡

漫滌心田別樣新百年依舊此天真蒼

茫塵海應無我澎湃風濤且渡人蕉葉
池塘波卷綠櫻花陌路樹藏春達觀一
覺紅塵夢流水飛雲證夙因

人海蘋飄路欲迷靜觀纔見道心微揭
開宿霧羣山在飛淨浮雲塵世低戰馬
驕嘶旌鼓壯村農憨喜稻梁肥卅年書

劍男兒老不為蒼生早賦歸

一覺人寰夢未闌祇因談笑挽狂瀾
彌天荆棘刊刪易滿地瘡痍補救難
布德思丁服槃甸宣威介子斬樓蘭
西風木

葉蕭蕭下剩有長松傲歲寒

游華亭寺時甲寅十二月

如此江山畫不成萬家鐙月勢縱橫艱
難國步行猶易溷濁人心洗要清豈是
池龍甘水淺甯知天馬視山平縱觀一
綫邊城小眼底浮名未足爭

乙卯夏日病中偶成

闢天龍劍作雷鳴底事蒼穹太不平渺

渺塵心天地老茫茫正氣日星明河山
遙控八千路貔虎何難百萬兵臺沼他
年三島上櫻花樓閣笑聞鶯

重任輕擔一病肩飄然裘帶當林泉自
觀五蘊都成幻境到三清始見天燕子
泥啣新雨後蜂兒花摘曉風前無端救

世心偏熱梧月蕉雲且暫眠

七月黑龍潭養疴

秋來何事有龍鳴
小視神州削要平
亞陸風雲原是幻
歐州波浪不須驚
他年放膽重經國
此日開誠且治兵
日馭回天鞭有力
問心吾自勵吾生

少年未醒浮雲夢亦復雄心賦大風柏
老彌堅寒歲節花開不減舊年紅模王
範帝今猶昔鎖利韁名色是空睡起披
襟狂笑傲一竿烟月釣潭龍

飯罷從容理釣舟浮生大夢儘風流頻
年悲憫人空老舉世沈淪杞獨憂熱血

不禁真愛國
冷心翻笑假
封侯靜觀一
悟曲肱樂身
在天風最上
頭

江山放眼誰
為主大地茫
茫任我行
業英雄寧有
種功名王霸
總無情千章
老樹饒生意
百尺寒潭訂
舊盟舉世由
來平等看誓
憑肝膽照蒼
生

丙辰春夜游昆明湖

湖天風定水漫漫十萬垂楊露未乾
入世偏多出世想靜中常作夢中看
燈明畫舫黃衫醉星摘潢河玉宇寒
放眼便知滄海淺祇應狂笑老龍蟠

丙辰九日

菊花天氣雨霏霏薄霧輕寒透錦幃冷
眼最憐塵世小閒居常覺道心微風雲
底事龍猶蟄魂夢當年鹿正肥大陸何
時收拾定江天花月漫忘歸

丁巳暮春游黑水祠歸途偶成

劍馬無功又一年憂時敢笑杞人天秋

蟲羣力山尤拔精衛真誠海亦填白眼
英雄寧傲世素心泉石忍求仙老龍見
慣滄溟水波浪兼天也自然

烟樹蒼茫鎖翠微雲山有意倩人歸心
盟白日知今是睡醒紅塵悟昨非事業
駒光憐蝶夢乾坤蝸角笑龍飛明知世

事終無補何處江湖覓釣磯

民國六年六月印刷出版



定價四角

著者東大陸主人
印刷者雲南督軍署石印處
總發行雲南圖書館
分售處各大書坊

